

## К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

**«Коми Республикаса олөмө пöртысь власьт системаын  
Коми Республикаса канму чиньясын уджалысь торья чина йöзöс  
премируйтöм, ошкöм да наградитöм йылысь да Коми Республикаса  
Юралысьлысь öткымын индöд вынтöмөн лыддьöм йылысь»  
Коми Республикаса Юралысьлөн 2017 во кöч тöлысь 4 лунся  
85 №-а Индöдö вежсьöмьяс пыртöм йылысь**

Шуа:

1. Пыртны «Коми Республикаса олөмө пöртысь власьт системаын  
Коми Республикаса канму чиньясын уджалысь торья чина йöзöс  
премируйтöм, ошкöм да наградитöм йылысь да Коми Республикаса  
Юралысьлысь öткымын индöд вынтöмөн лыддьöм йылысь» Коми  
Республикаса Юралысьлөн 2017 во кöч тöлысь 4 лунся 85 №-а Индöдö  
татшöм вежсьöмьяс:

1) 2 пункт гижны тадзи:

«2. Вынсьöдны Коми Республикаса олөмө пöртысь власьт системаын  
Коми Республикаса канму чиньясын уджалысь торья чина йöзöс Россия  
Федерацияса субъектьяслөн медвылыс чина йöзлөн (медвылыс олөмө  
пöртысь канму власьт органьясөн юрнуöдысьяслөн) уджлысь да Россия  
Федерацияса субъектьяслөн олөмө пöртысь власьт органьяслөн уджлысь  
окталунсö доньялöм могысь Коми Республикаөн петкöдласьяслөн  
значениесöдз (тшупöдьясöдз) воöдчöмысь премируйтöм йылысь, а сідзжö  
ошкöм йылысь положение 2 №-а содтöд серти.»;

2) Коми Республикаса олөмө пöртысь власьт системаын Коми  
Республикаса канму чиньясын уджалысь торья чина йöзöс премируйтöм  
йылысь положениеын, мый вынсьöдöма Индöдөн (2 №-а содтöд):

а) нимсö гижны тадзи:

«Коми Республикаса олöмö пöртысь власьт системаын Коми Республикаса канму чиньясын уджалысь торья чина йöзöс Россия Федерацияса субъектьяслөн медвылыс чина йöзлөн (медвылыс олöмö пöртысь канму власьт органьясөн юрнуöдысьяслөн) уджлысь да Россия Федерацияса субъектьяслөн олöмö пöртысь власьт органьяслөн уджлысь окталунсö доньялöм могысь Коми Республикаөн петкöдласьяслөн значениясöдз (тшупöдьясöдз) воöдчöмысь премируйтöм йылысь, а сідзжö ошкöм йылысь положение»;

б) 1 пунктын «чина йöзöс премируйтан условиеяс да пöрадок (водзö – Коми Республикаса чина йöз)» кывьяс вежны «чина йöзöс премируйтан (водзö – Коми Республикаса чина йöз), а сідзжö Россия Федерацияса субъектьяслөн медвылыс чина йöзлөн (медвылыс олöмö пöртысь канму власьт органьясөн юрнуöдысьяслөн) уджлысь да Россия Федерацияса субъектьяслөн олöмö пöртысь власьт органьяслөн уджлысь окталунсö доньялöм могысь сьöмкудкостса трансфертьяс тшöт весьтö, кутшöмьясöс сетöны федеральной сьöмкудйысь Россия Федерацияса субъектьяслөн олöмö пöртысь власьт органьяслөн петкöдласьясöдз воöдчöмысь, Коми Республикаөн петкöдласьяслөн значениясöдз (тшупöдьясöдз) воöдчöмысь найöс ошкан условиеяс да пöрадок (водзö – ошкöм)» кывьясөн;

в) 5 - 7 пунктьяс гижны тадзи:

«5. Коми Республикаса чина йöзöс наөн окталун да бöртаслун петкöдласьяслөн значениеöдз воöдчöмысь премируйтöм йылысь, сы лыдын премиялөн мында йылысь помшүöмыс примитсьö Коми Республикаса Юралысьөн тайö Положениелөн 3 да 4 пунктьясын лöсялöмөн индöм юөр босьтан лунсянь 7 уджалан лун чöжөн.

Коми Республикаса чина мортöс премируйтöны сэк, кор сылөн абуöсь вештытöм дисциплинарной мыждöмьяс.

6. Тайö Положение серти Коми Республикаса чина йöзöс ошкöны Коми Республикаса чина йöзлөн пайысь, кодьясöс индöма Коми

Республикаса Юралысьлөн Россия Федерацияса субъектыслөн медвылыс чина йöзлөн (медвылыс олөмө пöртысь канму власьт органьясөн юрнуöдысьяслөн) уджлысь да Россия Федерацияса олөмө пöртысь власьт органьяслөн уджлысь окталунсö доньялөм могысь Коми Республикаон петкöдласьяслөн значениясöдз (тшупöдьясöдз) воöдчöмысь кывкутысьясөн (водзö – МЧЙ да ОПВО уджлысь окталунсö доньялөм могысь петкöдласьяс), динмуса да муниципальной веськöдлысь командаясöс сьöмкудкостса трансфертысөн дотацияс (грантыяс) тшöт весьтö, кутшöмьясöс сетöны федеральной сьöмкудйысь Коми Республикаса республиканскöй сьöмкудлы Россия Федерацияса субъектыслөн медвылыс чина йöзлөн (медвылыс олөмө пöртысь канму власьт органьясөн юрнуöдысьяслөн) уджлысь да Россия Федерацияса субъектыслөн олөмө пöртысь власьт органьяслөн уджлысь окталунсö доньялөм могысь петкöдласьяслөн значениясöдз (тшупöдьясöдз) воöдчöмысь, ошкан пöрадок серти, кутшöмöс вынсьöдö Коми Республикаса Веськöдлан котыр.

7. Коми Республикаса чина мортöс ошкöны МЧЙ да ОПВО уджлысь окталунсö доньялөм могысь петкöдласьяслөн значениясöдз (тшупöдьясöдз) воöдчöмын пайысь татшöм муртöсьяс тöд вылö босьтöмөн:

1) Коми Республика воöдчис МЧЙ да ОПВО уджлысь окталунсö доньялөм могысь петкöдласьяслөн значениясöдз (тшупöдьясöдз), кутшöмьясöдз воöдчöмысь Коми Республикаса чина морт Коми Республикаса Юралысьлөн помшурт серти лоö кывкутысьён;

2) Коми Республикаса чина мортлөн абуöсь вештытöм дисциплинарной мыждöмьяс.»;

г) содтыны татшöм сюрöса 8 - 9 пунктьяс:

«8. МЧЙ да ОПВО уджлысь окталунсö доньялөм могысь петкöдласьяслөн значениясöдз (тшупöдьясöдз) воöдчöмын пайысь Коми Республикаса чина мортöс ошкöм йылысь, сы лыдын ошкан мында йылысь

помшуймыс примитсьö Коми Республикаса Юралысьöн волöн öшым тöлысь 6 лунöдз, мый мунö во бöрын, кор воöдчöма МЧЙ да ОПВО уджлысь окталунсö донъялöм могысь петкöдласьяслöн значениеясöдз (тшупöдьясöдз).

9. Коми Республикаса чина мортöс премируйтöм, ошкöм йылысь помшуймсö оформитöны Коми Республикаса Юралысьлöн тшöктöмöн. Коми Республикаса Юралысьлöн Администрация дасьтö Коми Республикаса чина йöзöс премируйтöм, ошкöм йылысь Коми Республикаса Юралысьлысь тшöктöм балаяссö тайö Положениелöн 5 да 8 пунктъясын индöм помшуймьяс примитан лунсянь 5 уджалан лун чöжөн.».

2. Тайö Индöдыс вынсялö сйöс официальной йöзöдан лунсянь.

Коми Республикаса Юралысь

В. Уйба

Сыктывкар

2021 вося вöльгым тöлысь 22 лун

133 №